

## Linearni operatori.

radni nerecenzirani materijal za predavanja

**Propozicija 2.14.** Linearan operator  $A : V \rightarrow W$  je injekcija ako i samo ako je

$$\text{Ker } A = \{0\}$$

(tj. ako i samo ako je  $\text{d}(A) = 0$ ).

**(Propozicija je dana bez dokaza; dakle dokaz se neće tražiti na usmenom dijelu ispita.)**

**Propozicija 2.15.** Neka je  $A : V \rightarrow W$  linearan operator.  $A$  je injekcija ako i samo ako je za svaki linearno nezavisan skup  $S$  u  $V$  skup

$$A(S) = \{Ax : x \in S\}$$

linearno nezavisan u  $W$ .

**(Propozicija je dana bez dokaza; dakle dokaz se neće tražiti na usmenom dijelu ispita.)**

**Teorem 2.16.** (Teorem o rangu i defektu) Neka je  $A : V \rightarrow W$  linearan operator, te neka je  $\dim V < \infty$ . Tada je

$$\text{r}(A) + \text{d}(A) = \dim V.$$

**(Dokaz.** Na predavanju. Iskaz trebaju znati svi studenti, a dokaz samo oni koji odgovaraju za ocjene 4 i 5.)

**Definicija 2.17.** Linearan operator  $A : V \rightarrow W$  naziva se:

- (i) monomorfizam ako je  $A$  injekcija;
- (ii) epimorfizam ako je  $A$  surjekcija;
- (iii) izomorfizam ako je  $A$  bijekcija.

U nastavku navodimo posljedice teorema o rangu i defektu.

**Korolar 2.18.** Neka je  $A : V \rightarrow W$  linearan operator te neka je  $\dim V = \dim W < \infty$ .

Sljedeće tvrdnje su međusobno ekvivalentne:

- (i)  $A$  je monomorfizam;
- (ii)  $A$  je epimorfizam;

(iii)  $A$  je izomorfizam.

**(Dokaz.** Na predavanju. Na usmenom dijelu ispita ispituje se za ocjene 3 i više.)

Za linearan operator  $A : V \rightarrow V$  pretpostavka  $\dim V = \dim V$  je odmah ispunjena te za takve operatore odmah vrijedi tvrdnja prethodnog korolara, no naravno uz uvjet da je  $\dim V < \infty$  (kao što je i navedeno u tvrdnji korolara).

**Propozicija 2.19.** Neka je  $A : V \rightarrow W$  linearan operator te neka je  $\dim V = n < \infty$ .

Sljedeće tvrdnje su međusobno ekvivalentne:

- (i)  $A$  je izomorfizam;
- (ii) za svaku bazu  $\{b_1, \dots, b_n\}$  od  $V$  skup  $\{Ab_1, \dots, Ab_n\}$  je baza za  $W$ ;
- (iii) postoji baza  $\{e_1, \dots, e_n\}$  od  $V$  takva da je skup  $\{Ae_1, \dots, Ae_n\}$  baza za  $W$ .

**(Dokaz.** Na predavanju. Na usmenom dijelu ispita ispituje se za ocjene 4 i 5.)

**Propozicija 2.20.** Neka su  $A : V \rightarrow W$  i  $B : W \rightarrow X$  linearni operatori. Tada je  $i BA : V \rightarrow X$  linearan operator. Posebno, kompozicija dvaju monomorfizama (epimorfizama, izomorfizama) je opet monomorfizam (epimorfizam, izomorfizam).

**(Dokaz.** Na predavanju. Na usmenom dijelu ispita ispituje se za ocjene 3 i više.)

**Definicija 2.21.** Neka su  $V$  i  $W$  vektorski prostori nad istim poljem. Kažemo da je  $V$  izomorfan s  $W$  (i pišemo  $V \simeq W$ ) ako postoji izomorfizam  $A : V \rightarrow W$ .

**Propozicija 2.22.** Neka su  $V$  i  $W$  konačnodimenzionalni prostori nad istim poljem. Tada je  $V \simeq W$  ako i samo ako vrijedi

$$\dim V = \dim W.$$

Posebno, izomorfnost prostora je relacija ekvivalencije.

**(Dokaz.** Na predavanju. Na usmenom dijelu ispita ispituje se za ocjene 4 i 5.)

**Napomena 2.23.**

- (a) Da je izomorfizam relacija ekvivalencije, može se pokazati i za prostore koji nisu konačnodimenzionalni, tj. ne pozivajući se na dimenziju prostora.
- (b) Ako je

$$A : V \rightarrow W$$

izomorfizam, onda je i inverzno preslikavanje

$$A^{-1} : W \rightarrow V$$

izomorfizam.

- (c) Ako je  $A : V \rightarrow V$  linearan i bijektivan, češće se kaže da je  $A$  regularan ili invertibilan operator. Termin izomorfizam je rezerviran za operatore između različitih prostora. U toj terminologiji za operatore koji nisu regularni kaže se da su singularni.